

悔盒文鈔

一
函
冊

序

吾秦近六十年言師承者無智愚賢不肖咸推賀清麓柏灋西
劉烟霞三先生然清麓不以制藝教人烟霞師最薄制藝灋西
師則曰功令不可違也制藝文體雖卑而命題則依四書四書
勢必爲童蒙熟讀若另改文體童蒙必棄四書夫童蒙而不讀
四書流弊可勝言耶余時方馳騁詞章經濟於師言不甚注意
及戊戌變法海內鴻儒競言改八比爲策論士子朝夕咿唔果
皆朱子所謂談性命則迷大本論事功則雜霸術者也至於停
科舉設學校則又變本加厲凡數千年相傳政治禮教風俗俱
視若土苴士有談及義理情韻考據之文則羣聚嘲罵靡所不

至而司教育者猶詡詡然號于天下曰吾學校有國文修身可
以保存國粹也噫澧西師其聖矣乎吾友寇君立如自少以制
藝馳譽關中每一篇出讀者輒以好花佳山水仙佛供目之澧
西師嘗語余曰爲制藝如寇立如而不捷南宮乃可謂命也然
君缺而不舍計設帳省垣出宰蜀城所至必有徒黨從而問業
入民國來君年已六十矣興酣落筆洋洋灑灑尺幅中具有千
里之勢暇日手一編見示余讀竟作而嘆曰此正始之音也何
幸得聞於永嘉之末乎蓋君爲澧西高足平生服膺清麓而亦
仰慕烟霞其沈浸於四書者最深且久晚歲博極羣書研究軍
民利病尤喜太史公文而其性情則虛懷好善常若不及故年

彌高學彌邃文亦彌雄真能恃源以往歷萬變而不離其宗者
也吾願讀是編者知君學有師承相與反而求諸四書則國粹
可存而流弊可挽也斯文其嚆矢歟同學弟郭毓璋謹序

自序

余少失學稍長游灃西柏先生門得聞義利之辨始識爲學門徑又因灃西先生謁劉古愚先生飫聞古今學術派別因始肆力於學會漢陽黃小魯觀察吾秦獨契余每晉謁必以程朱之學相勗既創建魯齋書院延清麓賀先生講學其中余晨夕待從而爲學乃有所依歸矣厥後宦蜀所至喜與士夫會講案牘勞形學業罔進輒用疚心比改革歸里長校者延襄會垣各校教務校中諸生醉心歐化每題紙下一小時間落落數十百言多不依古文家義法或競爲白話以逐時趨余慮其詭于正也每舉史漢八家文爲之強聒指授諸生中有穎悟者間或篇竄

數句句薙一二字即可朗朗誦去余時僭擬一二篇以引伸興
趣青燈有味致足樂也顧余素不善古文辭又經滄桑之變意
緒根觸其發之詩文者諸多抑鬱無聊之語因檢所爲詩文請
教于芝田夢周敬之蘊生諸先生猥承郢削點定補益宏多直
如百朋之錫門下士請付手民以示來裔余雖爲學必一意向
上始克日進有功若余者悠悠忽忽虛擲有用光陰於一行作
吏中何可勝慨彣彣文辭不適于古其滋愧爲何如遑云傳後
耶爰整散佚得若干篇藉正有道君子倘得鞭策衰朽則受賜
不益多乎

悔庵文鈔目錄

大學明明德句爲綱領中之綱領說

致知在格物物格而后知至義

其二

讀大學新民傳二章

作新民義

讀朱子大學序天必命之以爲億兆之君師使之治而教之以
復其性

讀朱子補大學格致傳

讀學而章書後

孔子重孝弟說

孝弟爲爲仁之本卽是爲學之本論

節用而愛人論

慎言說

孔子十五志學說

志道說

孔子獨許顏子爲好學說

訟過說

有恒說

荀子之不欲雖賞之不竊義

辭達而已矣義

困學說

不知命無以爲君子義

孟子性善荀子性惡揚子善惡混說

孟子闢楊墨韓子闢佛老說

求放心說

其二

孟子士尙志論

說大有卦

讀大壯姤兩卦

讀尚書立政篇書後

隱公不書即位左氏以爲攝公穀以爲讓杜氏預以爲不行即位之禮論

天王使宰咺來歸惠公仲子之賵論

春秋會戎于潛論

十二月乙卯夫人子氏薨杜氏以爲桓母公羊以爲隱母穀梁以爲隱妻究以何說爲長說

讀管子

讀管子牧民篇

商鞅論

論商君變法行之十年秦民大悅

讀六國年表序書後

讀秦楚之際月表序書後

毛遂至楚定從論

其二

讀史記張湯傳書後

湯爲人多詐論

汲黯矯詔發河南倉粟諫長安民出馬論

郅都甯成優劣論

讀史記酷吏趙禹傳書後

史記貨殖傳農工商虞四者爲民衣食之源論

讀韓子師說

潮州廟碑公之神在天下如水在地中無所往而不在論

公之所能者天其所不能者人論

司馬光諫院題名記專利國家不爲身謀彼汲汲於名猶汲汲

於利論

其二

書蘇子晁錯論後

周茂叔令一程尋孔顏樂處說

其二

爲學大益在自求變化氣質說

欲勝己者親無如改過之不吝說

參也竟以魯得之說

其二

劉禪昏庸之主而方氏以任賢勿貳比之太甲成王論

孔子集羣聖大成朱子集諸儒大成論

尊孔說

辛酉八月二十七日孔廟演辭

孔教於洗心所講演之關係

孔教於少年進德會成立之關係

省立第三中校已班學生畢業同學錄序

省立第三中校華縣學生畢業同鄉錄序

省立法政學校學生畢業序

代

讀曾文正湖南文徵序

華陰李程九先生墓志銘

并序

渭南王樸臣先生墓志銘

并序

長安申亭錢君暨何宜人墓志銘

楊君幼溪行略

悔庵文鈔

長安寇卓立如

大學明明德句爲綱領中之綱領

子朱子既分大學明新至善爲三綱領而又以明明德爲綱領中之綱領何哉蓋明明德非至如古之明明德於天下則明之功未全明之量未滿而終不能盡己性以盡人物之性贊化育而參天地也不然朱註物有本末而必以明德爲本者何耶知明德爲本即知修身爲本乃明明德之實在功夫也夫曰明德即人人所稟受於天之明命在天爲太極在人爲至善無二理無二性也橫渠謂性爲萬物之一原非有我之所得私是也故

綱

新民傳曰君子無所不用其極極即太極也太極即至善也用極即止至善也明德明此極新民新此極德無二德極無二極也一明明德而身心意知家國天下統此矣故曰綱領中之綱領也誠意傳曰德潤身平天下傳曰先慎乎德大學始誠意終平天下可見誠意爲明明德最初關鍵平天下爲明明德完滿實修曰潤曰慎則古人明明德之學問可見責重於身者爲甚要也雖明明德中之條目不一曰仁敬孝慈信曰仁讓曰孝弟慈曰忠恕而其綱領仍不外一敬一仁文王止敬之敬止仁之仁與堯舜帥天下以仁之仁上好仁之仁又明明德中綱領之綱領也夫仁爲元善之長即至善也敬爲聖學之本即止至善

之止也古之明明德于天下者舍敬無以見明明德之工夫舍
仁無以完明明德之性量入大學者不知提綱挈領其必盲然
于本末始終之序而義利之源不清仁敬之學無本欲奏唐虞
三代之治未之有也觀易乾卦曰與天地合德與日月合明書
堯典曰克明峻德舜典曰元德升聞夫一畫爲伏羲畫卦開天
之始二典爲堯舜敬天勤民之基必於明明德三致意者殆朱
子序大學特揭明伏羲堯舜而有繼天立極之語所本歟

提綱挈領語不離宗

宋芝田先生評

渣滓盡去清光大來

郭蘊生先生評